

Broj: 01-02-188/23

Mostar, 17.03.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

| Primijeno: 23-03-2023 | | | |
|-----------------------|--------|---------|------------|
| Org. jed. | Broj | Priloga | Vrijednost |
| 0511 | - 02 - | 61 | 123 |

n/p g-din Ivan Miličević, sekretar ✓
n/p g-din Admir Čavalić, zastupnik

Hamdije Kreševljakovića 3
71000 S A R A J E V O

Predmet: Odgovor na zastupničku inicijativu, odgovor, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), povodom zastupničke inicijative koju je podnio g. Admir Čavalić, zastupnik u Zastupničkom domu Parlamenta Federacije Bosne i Hercegovine, a koja je Vladi Federacije Bosne i Hercegovine dostavljena aktom sekretara Zastupničkog doma Parlamenta Federacije Bosne i Hercegovine, broj: 05/1-02-61/23 od 02.03. 2023. godine, Federalno ministarstvo trgovine u okviru svoje nadležnosti daje sljedeći

O d g o v o r

Zastupnik u Zastupničkom domu Parlamenta Federacije BiH, g. Admir Čavalić podnio je Poslaničku inicijativu kojom se traži da mjesečnu potrošačku korpu u Federaciji Bosne i Hercegovine objavljuje Federalno ministarstvo trgovine u saradnji sa Federalnim zavodom za statistiku.

U obrazloženju predmetne inicijative navedeno je da se u javnosti već duži niz godina javlja opšta konfuzija u vezi potrošačke korpe i s obzirom da je riječ o „sindikalnoj“ potrošačkoj korpi građani su mišljenja da je to zvaničan dokument, te na osnovu istog prave vlastitu procjenu realnosti i opštih društveno-ekonomskih prilika u Federaciji BiH. Nadalje, g. Admir Čavalić smatra da je potrebno po uzoru na prakse iz regiona objavljivati zvaničnu potrošačku korpu od strane Federalnog ministarstva trgovine na mjesečnom nivou i istu dalje prosljeđivati medijima u svrhu tačnog informisanja javnosti.

U kontekstu predmetne poslaničke inicijative obavještavamo Vas da je Vlada Federacije Bosne i Hercegovine na sjednici održanoj 10.02.2022. godine donijela

Zaključak o prihvatanju informacije o izradi minimalne i prosječne potrošačke korpe u Federaciji Bosne i Hercegovine i tačkom 2. Zaključka zadužila premijera Federacije Bosne i Hercegovine, federalnog ministra finansija, federalnog ministra trgovine i direktora Federalnog zavoda za statistiku da imenuju svoje predstavnike u Radnu grupu koja ima zadatak da izradi Metodologiju za izračun minimalne i prosječne potrošačke korpe i istu dostavi Vladi Federacije BiH na usvajanje.

Nadalje, u tački 4. Zaključka navedeno je da se zadužuje predstavnik Federalnog zavoda za statistiku da koordinira i predsjedava aktivnostima Radne grupe na pripremi Metodologije i Vlada Federacije Bosne i Hercegovine je postupajući po predmetnom Zaključku na sjednici održanoj 02.06.2022. godine imenovala članove navedene Radne grupe

Imajući u vidu navedeno i s obzirom da su u toku aktivnosti Radne grupe s predstavnicima međunarodnih institucija, odnosno ekspertima Svjetske banke, koji su pomagali Republici Srbiji i Republici Crnoj Gori u izradi njihovih potrošačkih korpi, smatramo da je potrebno da informacije o stepenu realizacije navedenih aktivnosti zatražite od predsjedavajućeg i koordinatora Radne grupe za izradu Metodologije za izračun minimalne i prosječne potrošačke korpe u Federaciji Bosne i Hercegovine, koji je imenovan od strane Federalnog zavoda za statistiku.

S poštovanjem,



Dostaviti:

- Naslovu
- Odsjeku za cijene
- a/a